

- Pa donn en pti zanfan balon pou zwe avek san ki ou sirvey li.
- Touzour zet en kou dey lo ou zanfan kot i pe zwe.

### **Zanfan i kapab ganny brile – vey li byen**

- Pa gard keksoz so dan bor latab kot zanfan i kapab touse.
- Pa vir lanmans kastrol/pwalon dan direksyon ki zanfan i kapab touse/rise
- Met delo fre avan delo so ler ou pe prepar ben ou zanfan ( si i rantre ladan avan ler, i a rantre dan delo fre!)



**THE MINISTRY OF FAMILY AFFAIRS  
SOCIAL AFFAIRS DEPARTMENT  
SOCIAL SERVICES DIVISION**

**Unity House, P.O. Box 190, Victoria, Mahe,  
Republic of Seychelles**

**Telephone: (248)4 281500 Fax: (248) 4225656**

# Sekirite ou Zanfan



## Protez ou zanfan kont pwazon

- Zanfan i eksplor tou keksoz otour zot. Zot pou met nenport keksoz dan labous e sisa keksoz i anpwazonnen, i kapab afekte zot lasante oubyen menm koz lanmor.
- Zanfan anba 4 an pa kapab konpran bann lansenny danze tel ki pwazon etc...



La de trwa konsey ki paran i kapab swiv:

- Gard tou keksoz danzere lwen ek kot zanfan pa pou gannnen.
- Pa met pwazon dan resipyann ki labetid i met keksoz manze oubyen bwar ladan (bwat sokola, biskwi sopin limonad etc...)
- Pa kit latizann a latrenn.
- Sirvey ou zanfan a tou moman.

*Mazinen i ou responsabilite pou protez ou zanfan kont danze*

## Zanfan i kapab toufe – Protez li

- I tre enportan ki zanfan anba 4 an i ganny byen sirveye. Serten lobze i kapab toufe ou zanfan e koz son lanmor.



- Fer sir ki bann pti keksoz tel ki bouton, larzan ki ou zanfan i kapab avale pa reste a la trenn.



- Ou zanfan i kapab ganny trangle ler i pe manze, reste dan bor li.
- Pa donn ou zanfan pistas ou lezot keksoz ki fasi pou trangle li.
- Pa kit sak plastic a la porte ou zanfan.



## Zanfan i Kapab noye – Protez li

- I fasil pou en zanfan noye si ou pa vey libyen ek delo. Noye i kapab ariv kot lakour.



- En zanfan par anba 4 an an i kapab noye menm dan en pti morso delo. Alor fer antansyon!
- Sirvey ou zanfan byen ler zot dan bor oubyen dan delo (dan ben, dan lanmer, dan basen naze etc...)
- Pti zanfan pa devret **zanmen** al dan bor oubyen dan delo san byen ganny sirveye.
- Pa les delo lapli akimile dan bann bwat, trou dan later etc...

### Ler zanfan i zwe

- Fer sir landrwa kot ou zanfan pe zwe napa bann lobze danzere (kouto, sizo, etc...)
- Fer sir zouzou ou zanfan napa bann pti morso ki fasil detase, met dan labous e avale.

